

# فيديو # ٦٤٧ من مقاطع حظر التجول تدبر البقرة حلقة ٧٧ الآي

٢٤٢-٨٣٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم سبعة وستة واربعين من مقام قاطع حظر التجول والحلقة السابعة

والسبعون من حلقات تدبر سورة البقرة ارجو من حضراتكم تحضروا المصاحف - [00:00:02](#)

اخذنا امبارح فزورة نفكر فيها وهي ايه ممكن تكون حكمة ربنا لان الايتين متين تمانية وتلاتين ومتين تسعة وتلاتين اللي هم عن الصلاة والحفاظ على الصلاة ييجوا في قلب ايات عن الطلاق واحكامه وتفاصيل كثيرة عن عدة المطلقة بعد العقد والمطلقة بعد -

[00:00:23](#)

الدخول والمهر يرجع امتى ويرجع امتى بالكامل وامتى يرجع نصه ووضع الرضيع بين ابوه وامه المطلقين ومين ياخذ قرار طعمه وعدة المتوفى عنها زوجها والكلام ده كله ليه ييجي في قلب الايات دي ايتين - [00:00:48](#)

عن الصلاة. نقرا مع بعض الايتين كده متين تمانية وتلاتين ومتين تسعة وتلاتين اعوذ بالله السميع العليم من الشيطان الرجيم حافظوا

على الصلوات والصلاة الوسطى وقوموا لله قانتين فإن خفتهم فرجالا او ركبانا فإذا امنتم فاذكروا الله كما علمكم ما - [00:01:08](#)

تكونوا تعلمون ايتين عن الصلاة. حفاظ عن الصلاة. حفاظ على الصلاة واحنا لسة خارجين من عشر ايات عن الطلاق واحكامه

وتفاصيل كثيرة اقرا بقى التلات ايات اللي بعديها هتجدهم يعني عن - [00:01:38](#)

الجواز والطلاق والارامل وهيسكنوا فين متين واربعين لغاية متين اتنين واربعين والذين يتوفون منكم ويذرون ازواجا وصية

لازواجهم متاعا الى الحول غير اخراج فان خرجن فلا جناح عليكم فيما فعلنا في انفسهن من معروف. والله عزيز حكيم - [00:01:58](#)

وللمطلقات متاع بالمعروف حقا على المتقين. كذلك يبين الله لكم اياته لعلكم هم تعقلون يا ترى ايه الحكمة طيب في ان ايتين الصلاة

دول ييجوا وكأنهم مقحمين في وسط سياق عن تفاصيل الطلاق والعدة والاجراءات الكثيرة والكلام ده - [00:02:23](#)

طبعا جاني من حضراتكم تدبرات كثيرة وجميلة جدا جدة طبعا معزنا لاحز ان الايتين اللي عن الصلاة دول جم في مجموعة آ

موضوعات خاصة بالاسرة لكن هل حد منا لاحز ان الايتين دول جم في وسط موضوع ما كانش انتهى اصلا الكلام فيه - [00:02:46](#)

يعني مش مسلا جايين في وسط موضوعات لأ ده كان فيه موضوع له اية قبل الايات بتاعة الصلاة واية بعد بص كده الاية متين

واربعين الاية متين واربعين والذين يتوفون منكم ويذرون ازواجا وصية لازواجهم متاعا الى الحول غير اخراج - [00:03:12](#)

الكلام عن الارامل وهل ده موضوع جديد؟ لأ مش موضوع جديد. ده الاية متين اربعة وتلاتين اللي هي قبل الايات بتاعة الصلاة نفس

الكلام والذين يتوفون منكم ويذرون ازواجا يتربصن بانفسهن اربعة اشهر وعشرا فاذا بلغن اجلهن الى اخر الاية - [00:03:34](#)

ايه طب الرسالة اللي بتحب توصل لنا يعني ربنا بيقطع الموضوع من نصه كمان انا شعوري ان الرسالة الموجهة لقلوبنا من مجيء

الايتين دول بتوع الصلاة في قلب الموضوعات الحياتية دي كلها - [00:03:54](#)

هي ان الحياة كده مليانة مشاكل مليانة تفاصيل ودي اتطلقت ودي جوزها مات. ودي لازم يدفع المهر اللي عليه كله. وفي قلب ده كله

وانت في ذروة في ذروة انشغالك بالحياة. وبحل المشاكل - [00:04:11](#)

بتعديه وبتاع ده وبتاعة نفسك هيجي موعد الصلاة يسبب اللي في ايدك فورا وتقف تصلي تسبب اللي في ايدك مش تخلصه

وتوصل لأ سبب اللي في ايدك اترك كل شيء - [00:04:26](#)

لما تخلص الصلاة ارجع كمل ثاني بقى اللي انت كنت بتعمله قم الى الصلاة. متى سمعت النداء مهما تكن الظروف. احفظوها الرسالة الثانية بقى الموضوعات اللي بتعالجها الايات كانت معظمها في حق المطلقات وحق الارامل - [00:04:41](#)

المطلقات افترقوا عن ازواجهم اختياراتا الارامل افترقوا عن ازواجهم قدرا الموت فرق بينهم مين اللي في ايده الاثنين دول ؟ الاختيار والقدر القدر والموت والاختيار بتاع الانسان الله سبحانه وتعالى في ايديه كله - [00:05:01](#)

يبقى ازاى ما تسيبش اى حاجة في ايديك وتقف تكلمه عشان يساعدك في مواجهة كل ده كل ما كل شيه بيقابلك في الحياة الله وحده هو القادر انه يؤيدك ويساعدك ويثبتك في مواجهته - [00:05:24](#)

ما هي موضوعات اصلها مش موضوعات يعني مفرحة. ما هي موضوعات كئيبة يعني يبقى حافظوا على الصلوات والصلاة الوسطى وقوموا لله قانتين تقف ورغم كل مشاغلك تقنط تخشع تقف قانت لله - [00:05:43](#)

قامت بالتاء مش بالطاء تطلب منه يعينك على ابتلاءات الدنيا دي كلها اللي بسبب اختياراتنا الخاطئة او بسبب اقدار الله. سواء كده او كده ابتلاءات حافظوا على الصلوات الصلوات الخمسة - [00:06:08](#)

كلها وخاصة الصلاة الوسطى الصلاة اللي بتسهو عنها وبتأجلوها لانها في وسط انشغالكم بامر الدنيا اختلفوا بقى فيها. طب هي ايه معزم الاراء انها صلاة العصر الصلاة الوسطى لان قبلها صلاتين نهاريتين وبعدها صلاتين ليليتين - [00:06:28](#)

في ناس قالوا لا دي صلاة الصبح اللي احنا بنسميها الفجر لان الناس بتصحى عنها بتيجي يعني في وسط الراحة بتاعة الانسان والنوم والكلام ده في ناس قالت لها لا دي صلاة الظهر - [00:06:55](#)

انها وسطى بتيجي في وسط انشغال الانسان بطلب الرزق صلاة الظهر اه في حديث ان رجلا سأل زيد ابن ثابت عن الصلاة الوسطى وقال حافظ على الصلوات كلها تصيبها يعني شف بقى ده شف شف بقى فهم الصحابة. واحد راح قال له يا سيدنا زيد انت راجل من صحابة رسول الله - [00:07:11](#)

قل لنا ايه هي الصلاة الوسطى عشان ما تفوتنيش قال له مش عايزها تفوتك؟ قال له لا مش عايزها تفوتني. قال له حافظ على الصلوات الخمسة وهي ما تفوتكش ده فهم الصحابة - [00:07:42](#)

طالما ان ربنا اخفاها فالحكمة من ذلك الحفاظ على كل الصلوات. زي ما اخفى ليلة القدر في العشرة الاخيرة من رمضان عشان الناس تجتهد في العشرة كلها وما تضيعهاش حافظوا على الصلوات والصلاة الوسطى وقوموا لله قانتين - [00:07:52](#)

المطلوب هو الحفاظ على الصلوات في وقتها وفي طريقة ادائها وقوموا لله قانتين يبقى تحافزوا على الصلوات ما تصلوهاش قضى صلوها في وقتها وي طريقة ادائها وقوموا لله قانتين يعني خاشعين مقبلين على الله - [00:08:12](#)

اذا تحافزوا على وقتها وتحافزوا على طريقة ادائها. تمام. هنا بقى احب انوه عن محاضرة اسمها روح الصلاة روح الصلاة هي احدي محاضرات آآ دورة التربية الایمانية. هتلاقوا كده في مجموعة آآ فيديوهات اسمها - [00:08:37](#)

التربية الایمانية من مسجد يوسف الصحابي فيها المحاضرة يمكن رقم ثمانية او تسعة اسمها روح الصلاة. دي حضرتك وحضرتك تتفرجوا عليها بتركيز جدا وبعدين تقومي فورا وتقوم فورا تتمرن على اللي انت سمعته - [00:08:55](#)

تتمرن على طول تنفذ اللي انت سمعته تجد نفسك بتتعلم ازاى تستحضر الخشوع في قلبك وانت بتصلي خلاص وفي ناس فسرت كلمة قانتين بمعنى طائعين ابن عباس قال ان قانتين معناها طائعين - [00:09:16](#)

فلما تفكر كده مطلوب منك انك تعدل وتعطي الناس حقوقها نص المهر هنا والمهر كامل هنا مطلوب تعدل وتعطي الناس حقوقها ده في الايات السابقة بتاعة حقوق الضعفاء اللي الناس بتتجرأ على زلمهم سواء مطلقات او ارامل او اطفال - [00:09:39](#)

وانت مقبل على الصلاة. طيب ما تبقى مطيع لله وتعطي الله حقه بانك تعطيه التلات اربع خمس دقائق اللي بتقف تصليهم دول اقف صليهم بخشوع واول ما الصلاة تخلص ما ينفعش تعصيه ثاني بقى - [00:10:00](#)

مستحيل طبعا. اذا انت اتق الله وكونك مطيع لله في حياتك وتعاملاتك مع الناس فده ممكن يكون له او ممكن يكون ده بسبب اثر الصلاة عليك فانت لما تقف تقنط في الصلاة وتخشع في الصلاة ده ممكن يؤثر عليك ايجابيا في - [00:10:19](#)

حياتك. والعكس ايضا كمان عشان تبقوا عارفين شوفوا ربنا قال في سورة العنكبوت واقم الصلاة ان الصلاة تنهى عن الفحشاء والمنكر ولذكر الله اكبر ذكر الله اللي هو الصلاة اكبر من الفحشاء والمنكر - [00:10:40](#)

ايضا قيمة ذكر الصلاة في قلب السياق عن الكلام بقى عن الزوجات والاولاد هو اننا يجب اننا لا ننشغل بحياتنا حتى باهم شيء في حياتنا زوجاتنا واولادنا والكلام ده كله عن ربنا - [00:10:59](#)

زي ما بنؤدي حقوق الناس علينا نؤدي حق ربنا علينا اقرا معي متين تسعة وتلاتين فان خفتهم فرجالا او ركبانا فاذا امنتم فاذكروا الله كما علمكم ما لم تكونوا تعلمون - [00:11:15](#)

يعني ايه بقى شوفوا هم الايتين ورا بعض اهو حافظوا على الصلوات والصلاة الوسطى وقوموا لله قانتين فان خفتهم شفتم تصلوا لان ممكن تكون انت في ميدان القتال هنعمل ايه بقى نأجل الصلاة؟ لأهتصلوا برضو وفي وقتها بس ايه ؟ فرجالا او ركبانا فاذا امنتم فاذكروا الله كما علمكم ما لم تكونوا - [00:11:37](#)

تعلمون يعني ايه بقى الكلام ده في حاجة اسمها صلاة الخوف ودي مشروحة وهنشرحها من كده في سورة ان شاء الله غالبا في سورة النساء يعني حتى في حالة الخوف وفي حالة القتال في الميدان ربنا شرع صلاة اسمها صلاة الخوف - [00:12:07](#)

اهي في سورة النساء اجيب لكم الاية نقرأها مع بعض لكن مش هتندبرها كلها دلوقتي اما يجي لها دورها ان شاء الله ربنا بيقول واذا كنت فيهم فاقمت لهم الصلاة فلتقم طائفة منهم معك. نص الجيش هيقف يصلي مع النبي عليه الصلاة والسلام - [00:12:22](#)

والباقيين وليأخذوا اسلحتهم فاذا سجدوا فليكونوا من ورائكم ولتأتي طائفة اخرى لم يصلوا فليصلوا معك. وليأخذوا حذرهم واسلحتهم ود الذين كفروا لو تغفلون عن اسلحتكم وامتعتكم فيميلون عليكم ميلة واحدة. ولا جناح عليكم الا - [00:12:40](#)

ان كان بكم اذى من مطر او كنتم مرضى ان تضعوا اسلحتكم وخذوا حذرکم ان الله اعد للكافرين عذبة مولينة. يعني ايه بقى هنشرحها في سورة النساء لكن خلاصتها ان جنود الجيش - [00:13:06](#)

بيقسموا نفسهم نصين. نص يصلوا ركعة طبعاً في الحرب بيتم آ قصر الصلاة حتى لو ما احناش في مسافة القصر الاربعة ركعات بيبقوا ثلاث ركعات. بيبقوا ركعتين. العشاء الظهر العصر بيصلوا ركعتين - [00:13:22](#)

نص الجيش يصلي ركعة واحدة حاجة عجيبة جدا وبعدين النص والنص الثاني ماسكين الاسلحة وبيحموهم اللي صلوا الركعة دول بينفصلوا عن الامام وكل واحد بيتم ركعة لوحده والامام واقف منتظر - [00:13:40](#)

خلاص امام بيقرا هو ومنتظر خلصوا بيقوم داخل بيطلعوا ياخذوا اسلحتهم واللي كان معهم السلاح بيخشوا يصلوا الركعة الثانية مع الامام تبقى الاولى بتاعتهم هم. الامام يسلم وهم يتنموا الركعة دي - [00:14:00](#)

حاجة غريبة ها؟ طب ليه الطريقة دي ليه ليه ما يصلوش جماعتين وخلصا شوفوا الحرص بتاع الصحابة. هيصلوا جماعتين تبقى مصيبة. ليه؟ لان فيه كده نص الجيش هيصلي ويفقد ثواب الجماعة الاولى - [00:14:17](#)

طبعاً فيكم ناس مش مصدقة. ايوة لأ يعني ده ممكن يموتوا بعض يعني ايه انا اصلي الجماعة الثانية ليه عشان ايه انا هصلي في الجماعة الاولى بس واحد يصلي الركعة الاولى والثاني يصلي الركعة الثانية - [00:14:36](#)

امام ايه الحرص ده! ايه الحرص ده! ده احنا في ميدان القتال فان خفتهم رجالا او ركباناً فاذا امنتم فاذكروا الله كما علمكم ما لم تكونوا تعلمون. رجالا يعني على رجليكم - [00:14:49](#)

مش يعني رجاله رجالا على رجليكم او ركباناً او راكبين على ظهور الجمال والخيول ما تنزلوش. صلوا عليها طبعاً ده هيكون صعب معه ان الواحد يكون في حالة خشوع انا هخشع ازاى؟ وانا في ميدان القتال والعدو قدامي وانا واقف بصلي وزميلي معه السلاح بتاعه بيحميني - [00:15:08](#)

وبعد كده هيدخل وانا هطلع يعني ممكن ده يضيع يعني يخلي الخشوع مش موجود تعتبر حالة صلاة الخوف دي استثناء من قوموا لله قانتين يعني ايه ؟ اقرا معي كده اخر كلمتين في الاية اللي فاتت واوصلها - [00:15:31](#)

وقوموا لله قانتين فان خفتهم فرجالا او ركباناً يعني لازم في الصلاة تبقى قانت. خاشع بس لو انت خايف صل على الرطوبة اللي انت

ده الخشوع هنا هياخد صورة اخرى وانك بتحافظ على لقاءك مع الله حتى في اصعب الظروف ده في حد ذاته له طعم ومذاق اخر  
 يجعل القلب فيه نوع مختلف من الخشوع - 00:16:12

يَجْعَلُ الْقَلْبَ فِيهِ نَوْعٌ مُخْتَلِفٌ مِنَ الْخُشُوعِ - 00:16:12

مش الخشوع اللي يخليك تبكي لأبس خشوع تاني ان انا مواظب وان انا محافز على ميعاد صلاتي حتى لو ممكن يجي لي سهم هنا وقوموا لله قانتين فان خفتم فرجالا او ركبانا فاذا امنتم فاذكروا الله كما علمكم - 00:16:29

وقوموا لله قانتين فان خفتكم فرجالا او ركبانا فاذا امنتم فاذكروا الله كما علمكم - 00:16:29

لم تكونوا تعلمون. اول ما تشعروا بالامن والامان احمدا الله انه علمكم كيف تحافظون على صلتكم بالله ما انت صلاتك صلتك هي دي طريقة التواصل مع الله احمده على تشريعاته اللي بتعلمكم ازاى تحافزوا بها على علاقتكم به - 00:16:49

طريقة التواصل مع الله احمده على تشريعاته اللى بتعلمكم ازاي تحافظوا بها على علاقتكم به - [00:16:49](#)

وبالناس لان التشريعات اللي اتعلمناها في اخر خمستاشر اية كلها بتعلمنا كيف نحافظ على صلاتنا بالناس في المجتمع حتى في

اصعب الزرور زروق الوفاة وزروق الطلاق ازاي نحافز على صلاتنا بيعض وكمان ازاي تحافز على صلتك بالله - 00:17:13

أقرا معا متين واربعين الى متين اثنين واربعين والذين يتوفون منكم ويذرون ازواجا وصية لازواجهم متاعا الى الحول غير اخراج. فان خرجن فلا جناح عليكم فيما فعلن في انفسهن من معروف. والله عزيز حكيم - 00:17:31

فان خرجن فلا جناح عليكم فيما فعلن في انفسهن من معروف. والله عزيز حكيم - 00:17:31

وللمطلقات متاع بالمعروف حقا على المتقين. كذلك يبين الله لكم آياته لعلكم تعقلون قبل النزول آيات المواريث كان التشريع هو ان الانسان لما يشعر بقرب الاجل وانه قرب يموت يتعب كده ويبدأ يحس ان هو هيموت - 00:17:52

الانسان لما يشعر بقرب الاجل وانه قرب يموت يتعب كده ويبدأ يحس ان هو هيموت - 00:17:52

يوصي لزوجته بعد انتهاء العدة انها ممكن تبقى في مسكن الزوجية وينفق عليها من ماله قبل تقسيم التركة لمدة سنة كاملة اذا كانت مستعدة تبقى معتدة في بيت الزوجية سنة كاملة - 00:18:14

00:18:14 - مستعدة تبقى معتدة في بيت الزوجية سنة كاملة -

وإذا اختارت انها تخرج قبل السنة تستطيع ولكن بالطريقة دي هي بتنتهي هذه الايه؟ الميزة وهي انها في الحالة دي تترك بقى البيت للورثة اللي هي نفسها منهم وتروح بقى بيت اهلها - 00:18:30

للورثة التي هي نفسها منهم وتروح بقي بيت اهلها - 00:18:30

المهم البيت اصبح بيت الورثة يستطيعوا بقى يتصرفوا فيه يأجروه مع بعض يبيعه مع بعض هي اللي هي الربع او اللي هي التمن على حسب فيه اولاد او ما فيش - 00:18:44

علی حسب فیہ اولاد او ما فیش - 00:18:44

طبعاً الآية دي منسوخة بآية عدة المتوفى عنها زوجها وإيات المواريث احنا خدنا قبل كده عدة المتوفى عنها زوجها. ان هي عتتها

اربع آا اربع آا شهور وعشر تيام. لسة فى ايات المواريث هتيجى - 00:18:53

هنشوف ان هي يببقى لها الزوجة لها الربع لو ما فيش اولاد ويبقى لها التمن لو فيه اولاد اقرا معي بقى متين واربعين والذين يتوفون منكم ويذرون ازواجا وصية لازواجهم متاعا الى الحول غير اخراج - 00:19:10

00:19:10 منكم ويذرون ازواجاً وصية لآزواجهم متاعاً الى الحول غير اخراج -

فان خرجنا فلا جناح عليكم فيما فعلنا في انفسهن من معروف. والله عزيز حكيم طرحناه وقلنا ان اللي يموتوا ويكونوا تاركين وصية ان ازواجهم دول زوجاتهم يعنى لهم حق الحق يقعدوا سنة كاملة ما حدش يخرجهم من بيت الزوجية متعا الى - 00:19:33

ان ازواجهم دول زوجاتهم يعنى لهم حق الحق يقعدوا سنة كاملة ما حدش يخرجهم من بيت الزوجية متاعا الى - 00:19:33

حول يعني لهم سنة كاملة ما حدث يخرجهم من بيت زوجية وينفق عليهم متاعا الى الحول يعني ينفق عليهم آآ من التركة. طالما هتعتد المرأة فى بيت الزوجين لكن اللى هتخرج مش هيكون من حقها تتمتع بالمزايا دي وتستطيع انها ايه خلاص تنهى العدة بتاعتها

بعد أربع شهور وعشرة - 00:19:52

افرا بقى متين واحد واربعين وللمطلقات متاع بالمعروف حقا على المتقين. اي ان المطلقة لها حق اه اه اسمه نفقة المتعة منها ما هو فرض ومنها ما هو سنة فرد شفنا في حالة المتزوجة - 00:20:13

00:20:13 فرض ومنها ما هو سنة فرد شفنا في حالة المتزوجة -

اللي اطلقت ولم يسمى لها مهر. يعني لم يفرض لها فريضة يعني مش معروف مهرها كم بتاخذ نفقة المتعة عبارة عن قدر مهر المثل شرحناه في الحلقة اللي فاتت يعني ايه مهر الميث بيتشاف اللي في مستواها بنات خالتها اخواتها لما اتجوزوا حد من نفس المستوى

تتاع آآ جوزها ده - 00:20:35

كان المهر كم وفي الحالة دي بتاخذ قدر هذا المهر اسمه مهر المثل ولكن حتى اللي معروف مهرها ممكن ايضاً المطلق يكون كريم معها. ويعطيها نفقة متعة. وده السنة بقى - 00:21:00

معها. ويعطيها نفقة متعة. وده السنة بقي - 00:21:00

ان الواحد بعد ما يعطي المهر هو اصلا دفع المغرب الاول لكن ممكن فاضل عليه شيء صغير كده مؤخر صداق يقوم مدي نفقة متعة فكروا الاية بتقول فكروا فكروا دي - [00:21:16](#)

كذلك يبين الله لكم آياته لعلكم تعقلون يعني تشريعات ربنا دي لو فكرت فيها هتجد انها بتحل مشاكل المجتمع كله اولاً دي كانت زوجتك. وعارفة اسرارك. وعارفة مزاياك. وعارفة عيوبك وعجناك وخابزاك. والطلاق قطيعة وانفصال وكسر - [00:21:36](#)  
فلو ما جبرتش هذا الكسر بانك تكون كريم معها وتظهر اهتمامك بانها تبقى متأمنة مادياً وانها ما تحتاجش لحد انت اول واحد هتدار وسمعتك هتدار وهي هتدار لان لما تكون محتاجة فلوس ممكن يستغلها ذئاب موجودين في المجتمع. فليه كده - [00:21:59](#)  
المفروض الناس تكون كريمة مع بعض كن كريمة مع بعض طبعاً كان في حالة تانية يمكن انا ما ذكرتهاش آآ في الفرد بتاع نفقة المتعة وهو للمطلقة الغير مدخول بها - [00:22:17](#)

ازا لم يسمى لها آآ الصداق لو مش معروف مهرها كم وهي آآ اتطلقت بعد كتب الكتاب قبل الدخلة في الحالة دي بتاخذ نصف مهر المثل يتشاف مهر المثل قديشا مهرها مش معروف كم. وبيتشاف المهر المثل بتاعها كزا بتاخذ نصف المهر المثل. برضو ممكن تاخذ نفقة متعة لكنها بتبقى سنة في الحالة - [00:22:34](#)

عشان خاطر نحافظ على العلاقات الجيدة في المجتمع بين الناس كذلك يبين الله لكم آياته لعلكم تعقلون يمكن تفكروا والله لو نفكر سحب رجماًتيا كده برجماتيا تماماً. يعني نفكر في المصلحة بس - [00:22:57](#)

ما نخافش ابدا ان شرع ربنا دايماً لمصلحتنا. دايماً ان في ناس بتخاف من كلمة شريعة هنطبق الشريعة. ياه! تقولش يعني الشريعة هي اعدل نزام في العالم لكن في ناس ما بتفهمش هذا الكلام - [00:23:18](#)

نتوقف هنا الليلة اللهم انا نسألك حبك وحب من يحبك وحب كل عمل يقرنا الى حبك. اللهم ما رزقتنا ما نحب فاجعله قوة لنا فيما تحب وما زويت عنا مما نحب فاجعله فراغاً لنا فيما تحب. اللهم اجعل حبك احب اليها من اهلينا - [00:23:34](#)

اموالنا ومن الماء البارد على الظمأ. اللهم حبيبنا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين اللهم احي قلوبنا بحبك. واجعلنا لك كما تحب. اللهم اجعلنا نحبك بكل قلوبنا -

[00:23:58](#)

ونرضيك بكل اجسادنا اللهم اجعل حبنا كله لك وسعينا كله في مرضاتك اللهم اجعل القرآن الكريم رابع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعاً -

[00:24:29](#)

اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون. فبحق كل حرف في كتاب بك تلوناه او تدبرناه. اكفنا واهلينا واخواننا واخواتنا شر كل من يكيد لنا ولهم - [00:24:55](#)

واحفظنا واياهم من شرورهم. ونجعلك اللهم في نحورهم فانت الوكيل. ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين - [00:25:13](#)

مع اخواننا في تركستان الشرقية وفي كشمير وفي سريلانكا وفي الهند وانصر كل من نصرهم واخذل كل من خذلهم وطهر المسجد الاقصى من الدنس فانهم لا يعجزونك واكتب لنا ختم القرآن فيه - [00:25:33](#)

اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك وتعاهدت على نصرة شريعتك. فوثق اللهم رابطتها وادم ودها واهدها سبل - [00:25:48](#)

واملاًها بنورك الذي لا يخبو. واشرح صدورنا بفيض الايمان بك وجميل التوكل عليك. واحيها يا ربنا بمعرفتك وامتنا يا مولانا على الشهادة في سبيلك. انك نعم المولى ونعم النصير. وصلي اللهم - [00:26:08](#)

سلم على سيدنا محمد وعلى اله وصحبه ومن تبع هداه السلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - [00:26:28](#)